

Bosna i Hercegovina
Federacija Bosne i Hercegovine
KANTON SARAJEVO
Stručna služba za zajedničke
poslove



Босна и Херцеговина
Федерација Босне и Херцеговине
КАНТОН САРАЈЕВО
Стручна служба за заједничке
послове

Bosnia and Herzegovina
Federation of Bosnia and Herzegovina
CANTON SARAJEVO
Professional Office for Common affairs

Broj: 17-04-32187-?/20
Sarajevo, 31.08.2020. godine

KANTON SARAJEVO
SKUPŠTINA

PREDMET: Odgovor na zastupničko pitanje zastupnice Danijele Kristić

Poštovani,

Na 28. Radnoj sjednici Skupštine KS uvažena zastupnica Danijela Kristić je postavila zastupnička pitanja koja se odnose na privremeni izolatorij na Građevinskom fakultetu Univerziteta u Sarajevu. Referirajući se na odgovor Kantonalne uprava civilne zaštite broj: 01-04-1527-1/20 uvažena zastupnica je tražila odgovore na slijedeća pitanja:

1. Koja firma je vršila radove na oposobljavanju prostorija Građevinskog fakulteta za funkciju izolatorija?

Stručna služba za zajedničke poslove Kantona Sarajevo ne raspolaže informacijama ko je naložio uspostavu izolatorija, niti ko je izvodio radove i finansirao iste.

2. Koliko sredstava je Kanton Sarajevo uložio u opremu tj. pregrade da bi obezbjedio funkcionalnost istog i koja firma je vršila te radove? Molim Vas da mi dostavite specifikaciju svih troškova.

Kako Stručna služba za zajedničke poslove Kantona Sarajevo ne raspolaže informacijama koja firma je izvodila radove, odnosno ko je finansirao iste, nismo u mogućnosti staviti vam na raspolaganje informacije o visini uloženih sredstava za uspostavu izolatorija, kao i specifikaciju istih.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



3. - Ko je vršio uklanjanje (rasklapanje) tih pregrada i po čijem nalogu?

Zaključkom Vlade Kantona Sarajevo br. 02-04-13850-48.1/20 od 28.05.2020. godine zadužen je Štab civilne zaštite KS da u saradnji sa Stručnom službom za zajedničke poslove Kantona Sarajevo vrati u prvobitno stanje dio objekta Građevinskog fakulteta Univerziteta u Sarajevo, u kojem je bio smješten izolatorij. U skladu sa Zaključkom preuzetim obavezama, Službi je pripao zadatak da ukloni pregrade koje su bile izrađene za potrebe izolatorija. Služba je nakon provedenog postupka javne nabavke za navedene radove angažovala firmu "Neimari" d.o.o. Sarajevo, koja je prema ugovorenim obavezama obavila navedene poslove, u ugovorenim rokovima. Troškovi uklanjanja "rigipsanih" pregrada iznosili su 2.561,13 KM. Obzirom da se radilo o pregradama izrađenim od "rigips ploča", iste nije bilo moguće sačuvati prilikom demontaže, te su navedeni dijelovi ploča i drugih materijalnih ostataka (malter i dr.) odvezeni na deponiju. Sa navedenih pregrada ranije su uklonjena vrata, a iste je prema našim saznanjima uklonila firma "Ans Drive" d.o.o. Sarajevo, što je uredno konstatovano u Zapisniku o primopredaji radova od 22.06.2020 godine.

4. Gdje je ta oprema trenutno uskladištena i čija je odgovornost ukoliko dodje do oštećenja iste?"

Stručna služba za zajedničke poslove Kantona Sarajevo ne raspolaže informacijama koja vrsta opreme je bila instalirana u izolatoriju i gdje je ta oprema uskladištena nakon zatvaranja izolatorija, osim za 6 vrata dimenzije 180x235 cm i 2 vrata dimenzije 90x260 cm koja su bila postavljena na pregradama, a koja je demontirala i uskladištila firma "Ans Drive" d.o.o. Sarajevo, koja je prema informacijama predstavnika "Građevinskog fakulteta" u Sarajevu izvodila radove na uspostavljanju izolatorija. Navedene činjenice uredno su evidentirane u Zapisniku o primopredaji radova od 22.06.2020 godine.

U cilju što korektnijeg i potpunijeg informisanja ističemo da Stručna služba za zajedničke poslove Kantona Sarajevo nije učestvovala, niti je na bilo koji način angažovana tokom definisanja vrste i obima radova, kao i ugovaranja, izvođenja i finansiranja istih.



Dostaviti:

- Naslovu,
- a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1

